

Protokol

Fergoaderenge fon dän Oarbaidskring Seeltersk

6 Feber 2023, Räidhuus fonne Meente in Roomelse

Deerbie: ~~Kalle, Schumann, Annet, Busse, Ingeborg, Remmes, Johannes, Feyer, Marion, Erdmann, Miriam, Küsters, Antonius, Kanne, Tjallien, Kalsbeek, Henk, Wolf~~ (Foarsitter un Protokol)

0. Epenenge

- ~~Henk~~ begrüitet aal.
- Dät Protokol fon 7.11.2022 wädt sunner Ferurengen goudheten.
- ~~Tjallien~~ stoalt sik foar: ju hät n oain Organisationskontoor, ju woont in Grou, ju oarbait foar Dingtiid (Beräidungsstede foar't Fräisk foar ju Niederloundske Regierenge) un ju Fryske Academy. Foar ju Ooldenburichske Loundskup skäl ju 19 Trainings anbjode uum Ljude deeruur ättertoanke tou läiten, wäkke Sproake jo wanner bale. Dät is Deel fon dät internationoale Listen-Projekt. Foar ju Fryske Academy organisiert ju in Juni n Konferänts uur Sproake un Geskichte fon't Seelterlound.
- ~~Annet~~ stoalt sik foar. Ju kumt uk uut de Niederlounde un hät as Ursätterske oarbaied. Ju woont in Seedelsbierich, wier ju määd hiere Mon n Bed & Breakfast hät. Ju wol jäden wät foar't Seeltersk moakje.

1. Lopende Projekte

- Galerie fon do Grote Seelter: ~~Marion~~ hät n Biede fon do Seelter Sjungere un n Entwurf foar n Tekst uur Marron C. Fort lieuwerd. Aal kiekje, of jo noch Biedlen un Beskriuwungen fon grote Seelter biedrege konnen. Ju Galerie kumt in't Räidhuus bie dän Komer fon n Meenteboas.
- Seeltersk-Kurse: ~~Johannes~~ trakt n loanglopenden Seeltersk-Kursus määd su'n fiieu Deelnimere. ~~Veronika, Bugg~~ hät mä Hälpe fon ~~Margot, Tröseling~~ träi Beginnerskurse roat. ~~Henk~~ hät bie't Ministerium Betoaenge foar do Koastersken rägeld. Dit Jier stoude ap't Program: twäin Beginnerskurse (~~Veronika/Margot~~ un ~~Wolter~~), aan Foulgekurs (~~Veronika~~ un ~~Margot~~), aan Konversationskurs (~~Johannes~~), aan Kursus bie de Uni in Ooldenburich (~~Veronika~~).
- Twosproakige Skildere in do Skoulen: näie Door-Skildere foar do Grundskoulen fon Skäddel un Strukelje sunt bestoald. Et Ministerium betoalt deerfoar. Miriam kwädt, dät ju Grote Skoule uk jäden sukke Skildere häbe moate, man dät jo apstuuns nemens häbe, die deer bäätien gunge kon.
- Näie Skildere in do Täärpe: ~~Toni~~ hät n Sponsor fuunden foar näie Seelter Wäilkemensskildere foar do Täärpe. Hie hät et mä do Burgerferaine apnumen. Nu wachtje jo noch ap Ferlof fon n Krais.
- Näie Skildere in't Räidhuus: ~~Johannes, Ingeborg, Marion~~ un ~~Henk~~ häbe holpen, do Door-Skildere unner in't Räidhuus tou uursätten. ~~Johannes, Busse~~ skäl do prängtje un do oolde düütske Skildere uuttuuskje. Foar't Uursätten fon do Skildere fon de eerste un twäide Etaazje säkt ~~Henk~~ noch Ljude: ~~Ingeborg~~ un ~~Marion~~ bjode Hälpe an.
- Lezewädstried: do Plakate foar dän Lezewädstried sunt truch Päch n bitjen loanger unnerwaiens as ploand waas, man 9 Moaimound skäl die Wädstried in't Räidhuus heelden wäide. ~~Ingeborg~~ hät dät maaste mä ju Ooldenburichske Loundskup rägeld.
- Seeltersk in't Gymnasium: ne litje Truppe skäl foar Skoulere fon't Gymnasium un ju grote Skoule lenfierengen in Seelter Toal/Geskichte reke. ~~Johannes~~ bruukt do as Grundloage foar hiere Geskichtsunnergjucht. Henk säkt Ljude, do hälpe wollen bie dän Unnergjucht. ~~Marion, Johannes, Miriam, Kalle~~ un ~~Annet~~ bjode sik an.
- Kulturtourismus: ~~Henk~~ hät mä ~~Henk~~ fon n Tourismusferain boald. Deer wollen do dät Oldenburger Münsterland as Region n touristisk Gezicht reke. Henk wol jäden, dät Sproake deel is fon dän Kulturtourismus. Kalle fertält, dät ~~Veronika~~ un ~~Fugel~~ domoals touristiske Führungen truch't Seelterlound roat hät. Henk skäl mä hier bale. ~~Henk~~ hät n Broschüre "Seeltersk foar aal" moaked. Ju lait in fuul Gastronomie-Bedrieuwe in't Seelterlound, bie n Tourismus in Bäärsel un bie ~~Annet~~ in n B&B.

- Grüffalo: ~~Henk~~ hät do bee Grüffalo-Bouke in't Seeltersk uursät. Et Nordfriisk Instituut wol do uutreke, man mä do Gjuchte is't n priেকে Apjääfte. ~~Henk~~ fersäkt et nu uur de Afük in Ljouwert.
- Geskoankpapier: ~~Henk~~ wol mä ~~Henk~~ fonne Meente/Touristik bale, uum tou kiekjen, of fon Geskoankpapier/tuutjene n kultuurtouristik Projekt tou moakjen is.
- Siegel: ~~Henk~~ un ~~Henk~~ wollen ätter Ooldenburich wai uum tou kiekjen, wät deer uur dät oolde Siegel fon't Seelterlound bekoand is. Ju Koos is, n Kopie fon't Seelterlound foar ju Meente tou winnen.
- Foar dän näie Film ap Seeltersk häbe ~~Henk~~, ~~Henk~~, ~~Henk~~ un ~~Henk~~ n Laid in't Seeltersk uursät. ~~Henk~~ hät et apnumen un liet deer inne Fergoaderenge n Deel fon here.
- ~~Henk~~ fertält kuut uur't Listen-Projekt (s. buppe).
- Grammatik 2022/2023: Bouke Slofstra un Eric Hoekstra häbe ju Grammatik fon't Seeltersk anpased. ~~Henk~~ hät bie ju lääster Version holpen. ~~Henk~~ deelt do lääste präntede Exemplare fon 2002 häärume. Do präntede Exemplare fon 2023 kume boalde. Dit Jier wädt ju Grammatik färe anpased un in't Ängelsk uursät.
- ~~Henk~~ organisiert in Juni n Konferänts uur Seelter Toal un Geskichte bie Dockemeyer.
- Postkoarten: ~~Henk~~ is ap Waredraize un kon deer nu nit uur begjuchtje.
- Dän 22. Feber sunt do Ljude fon de Ooldenburichske Loundskup in't Seelterlound. ~~Henk~~ wol n Program foar se moakje. ~~Henk~~, ~~Henk~~ un ~~Henk~~ tälle hieere Hälpe tou.
- Digitalisierenge: ap seeltersk.de sunt intwiske n Masse Seken uur un ap Seeltersk tou fienden, deerunner jo Oarbaid fon Ann-Christin Barsch. ~~Henk~~ kwädt, dät uk ~~Henk~~ n Oarbaid uur't Seeltersk skrieuwen hät. Ju stjuurt Henk hieere Kontaktdaten, dan kon 'r hier frägje, of 'r se in't Internet feröffentlikje duur.
- Touristische Skildere inne Meente: ~~Henk~~ boald mä ~~Henk~~ uur Skildere, do bie ju touristiske App here un noch apstoald wäide mouten.

2. Jier-Begjucht 2022 fon Henk

- ~~Henk~~ stjuurt älkuneen boalde sin Jier-Begjucht uur 2022 tou, dan kon me deerap reagierje.

3. Projekte foar 2023

Ideen foar näie Projekte sunt:

- "Toaltuutjen" mä Infos uur et Seeltersk un twosproakich Grootluken un Seken foar litje Baidene;
- "Häärsthoochskoule" mä Aktivitäten ap Seeltersk foar alle Generationen;
- Uutbielenge fon Koastere/Erenoamtelke (Toal un Didaktik);
- n Internet-Toalkursus of MOOC (kuten Internetkursus) foar't Seeltersk;
- Memory un ure Spiele ap Seeltersk.

4. Slutenge

Uum 18.00 Ure is't aal kloar.

Protokol

Fergoaderenge fon dän Oarbaidskring Seeltersk

27. Juni 2023, Räidhuus fonne Meente in Roomelse

Deerbie: [redacted], [redacted], [redacted], [redacted], [redacted], [redacted]

0.

- Henk begröitet aal.
- Wie moakje färe mäd ju Dai-Ordenge fon dän 6.2.2023.

1. Lopende Projekte

- **Lezewädstried:** [redacted] fertält, dät die in do litje Skoulen goud lopt, nu uk in Seedelsbierich, wier [redacted] sik deerfoar iensät. In do grote Skoulen kumt die Wädstried truch [redacted] (HRS) un [redacted] (LSG) uk in Goang. Alle Skoulen hieden Skoulere in't Finale, wät goud ron. Allenich ju Mikrofoon-Anloage wier nit so goud, uur Moal skäl deer oantlik wät uurs foar kume [redacted] is foar do Seelter ätter't Loundesfinale in Hannover fierd. [redacted] wol sjo, of die Seelter Buund hiere Oolden wät foar do Raizekosten reke kon.
- **Marion in ju litje Skoule:** ne litje Truppe hät bie [redacted] sunt dän Häärst Seeltersk leerd, uum in do Baidenstune of Skoulen moor mäd ju Sproake tou dwoon. [redacted] häbe 'n Masse touleerd un sätte sik intwiske allebee foar ju Sproake ien. [redacted] is Seeltersk-Assistentin foar Klasse 3/4 in ju Litje Skoule Skäddel wuden un hät do Baidene bie't Öivjen foar dän Foarlezewädstried stöänd. [redacted] sunt goud toufree uur disse näie Uuntwikkelenge.
- **Unnergjucht in't Gymnasium:** [redacted], [redacted], [redacted], [redacted] häbe in Juni in't Gymnasium in do Klassen 5 un 6 Seelter Sproake un Geskichte unnergjuchtet. Jo dieden dät in dän Geskichtsunnergjucht. Do Koastersken deer häbe ätterdem dät Thema "Seelter Geskichte" noch ferdjoped. [redacted] fräiget, of et uk mugelik is, touken Jier in do ure Klassen uk sowät tou dwoon. [redacted] wol dät mäd et Gymnasium bebale. [redacted] slacht foar, sik in do sozioale Medien foar't Seeltersk ientousätten. [redacted] wol ätterkiekje, of deer finantsiel wät foar tou räigeljen is.
- **Kultuurtourismus:** [redacted] boalt mee in ne näie Truppe, ju sik foar dän Tourismus in ju Region Oldenburger Münsterland iensät. Hie betoont deer foaraal, dät foar't Seelterlound Kultuurtourismus wichtich is. Fergene Jier sunt al Broschüren foar Turisten uur 't Seeltersk an Gastronomibedriewe ferdeeld. [redacted] fertält, dät [redacted] jadden Seelter Spröaken ap Boanke häbe wol. Dät is wät foar ju näie Toal-Normierengs-Truppe ([redacted]). Uk rakt et noch dän Ploan, QR-Kodes in't Seelterlound aptoustalen, as Deel fon ferskedene ooldë Projekte fonne Meente. Wan dö insen Tied häbe, wollen [redacted] sjo, of jo deer Steden foar anwieze konnen. [redacted] wist noch ap ju Tiedskrift fon't OM, uum wät uur Seelter Sproake un Kultuur tou fertällen.
- **Dai fon do Seelter:** [redacted] fertält: bie dän Dai fon do Seelter (24.6.) bie Dockemeyer wieren moor as 50 Deelnimere. Ju Atmosphere wier gans goud. Ungefäär dät Haildeel fonne Deelnimere geen ätterdem noch mee ätter ju Kapelle ap Klaaster wai. [redacted] hät ju Moderation moaked. Aal wieren goud toufree. [redacted] kwädt, et wier goud, wan wie in't Seelterlound uk insen 'n Seelter Festival organiserje konnen. Deer sunt aal mäd eenfersteen.
- **Postkoarten:** [redacted] kikt ätter, of 'r 'n Grafiker fiende kon. Ap do Koarten kon 'n QR-Kode kume, die ätter moor Informationen in't Internet ferwist.
- **Fräiske Räid in't Seelterlound:** [redacted] fertält, dät die Fräiske Räid in Juni bie dän Seelter Buund wier. Die is Lid bie dän Fräiske Räid. [redacted] wier deer foar dän Seelter Buund bie. [redacted] hät wät uur do Aktivitäten fon't Seeltersk-Kontoor fertäld.

Wann fräiget, of wie uk 'n Organogram fon aal do fräiske Organisation moakje können, dan hoast nemens weet niet, wäl wät moaket. [redacted] wol dät dwo.

- **Houndbouk foas Koaster-Utbiidenge:** [redacted] skrift mäd Ljude fon do ure Sproakminderhaiden in Düütsklound 'n Bouk foar Koaster-Utbiidengen uur disse Minderhaiden. Dät skäl 2025 kloor weze.

- **Hochskoulen:** [redacted] hät in Juni in Bremen foar Germanistik-Studenten 'n Ure uur ju Seelter Sproake fertäld. [redacted] wädät ätter dän Sumer in Ooldenburich 'n Seeltersk-Kursus reke. [redacted] stöänt hier, as dät nödich is.

- **Tällenge:** [redacted] fertält, dät [redacted] fon ju Uni Ooldenburich him fertäld hät, dät 'r in 'n Häärst mäd sien Ljude tälle wol, wofuul Ljude dälich in't Seelterlound Seeltersk bale. Dät is 1995 dät lääste Moal dän, do hät Dieter Stellmacher noch su'n 2200 Balere fuunden. Foar dät Projekt wol ju Uni Ooldenburich mä ju Fryske Akademy touhope-oarbaije.

- **Näie Website:** ju Meente Seelterlound kricht ne näie Website. Et wier stuur, do Seelter Sieden aktuel tou hoolden, deeruum wol ju Meente sjo, wäkke Sieden ap Seeltersk anbeden wude. Die Oarbaidskring Seeltersk kon dan felicht hälpe, do aktuel tou hoolden. [redacted] is foar ju näie Website touständich. Wan moor düdelk is, kumt ju insen in uus Fergoaderenge, uum deer mäd uus uur tou balen.

Noch nit beboald: Seelterloundsiegel, Medjen in't Seelterlound (RTL, Omroep Max, Omrop Fryslân), Toal-Normierengs-Truppe, Skoulmaterialjen, Seeltersk-Unnergjucht in Strukelje.

2. Jäildseken

Wie hieden neen Tied moor, do Jäildseken tou bebalen. [redacted] hät bloot kut fertäld, dät die politiske Protses uur sien Stede aaltied noch lopt. [redacted] wol mäd dän Seelter Buund sjo, of die noch insen 'n bitjen Druk moakje können.

3. Toukumst fon't Seeltersk-Kontoor

Uk dät Thema kuud nit moor beboald wäide.

Ätter dän Sumer sjo wie uus wier.

Äkstra Meedelenge 1: ap dän 25. August wädät bie Finchen's dät fjode Seelter Kneipen-Quiz spield. Teams fon 2 bit 5 Ljude können sik uner seelterkneipenquiz@gmail.com anmeldje.

Äkstra Meedelenge 2: [redacted] hät in Strukelje ne litje Truppe Ljude, do jädnen Seeltersk lere wollen. Ju wol dät jädnen dwo, man mäd een of moor Ljude touhope. Wan Jie wäl wiete, läitet et [redacted] dan wiete.